

- 1^r Wer nit jm summer gabeln kan
- 2^r Der muß jm wynter mangel han
- 3^r Den berendantz dick sehen an



Nit fursehen by zyt.

- 1 Man fyndt gar manch nachgültig mensch
- 2 Das ist so gar eyn wättertrentsch
- 3 Das es sich nyenan schicken kan
- 4 Zü allem das es vohet an /

5 Keyn ding by zytten er bestelt
 6 Nüt übernächtigs er behelt
 7 Dann das er sunst so hynlâß ist
 8 Das er nit gdenckt / was jm gebrist
 9 Vnd was er haben muß zûr nott
 10 Dann so es an eyn treffen gatt
 11 Nit wyter gdenckt er vff all stundt
 12 Dann von der nasen / biß jnn mundt
 13 Wer jn dem summer samelen kan
 14 Das er den wynter môg bestan
 15 Den nenn ich wol eyn wisen sùn
 16 Vnd wer jm summer nüt will dún
 17 Dann schloffen all zyt an der sunnen
 18 Der muß han gût / *das* vor ist gewonnen
 19 Oder muß durch den wynter sich
 20 Behelffen ettwan schlächteklich
 21 Vnd an dem dopen sugen hert
 22 Biß er des hungers sich erwert /
 23 Wer nit jm summer machet hew
 24 Der loufft jm wynter mit geschrey
 25 Vnd hat zû samen gbunden seyl
 26 Ruffend / das man jm hew geb feyl /
 27 Der tråg jm wynter vngern ert
 28 Jm summer / bättlens er sich nert
 29 Vnd muß lyden manch übel zyt
 30 Vnd heyscht vil / wenig man jm gytt /
 31 Ler narr / vnd würd der omeyß glich
 32 Jn güter zyt versorg du dich
 33 Das du nit müssest mangel han
 34 Wann ander lüt zû freüden gan

m3r

m ij

18 das] dar GW5046 GW5047